

# مکتبہ عالیہ دارالعلوم

۱۸ نجفی سنہ

جزء، عدد : ۸۴

سنہ ۱۳۱۶



## ان من الشعر حكمة

بسم رأيه كوره شعر اسرار وخفاياي طبيعتي، اتقان وابديعيت، صنعت وقدرتي طبائع حساسه ي وجد و هيجهانه كتيهه جك و مخلوقات متنوعه نك صنوف و انواعي بيننده كي آهنگ مناسبات ايله اختلاف در جاتي هر كسي معتبر و متاثر ايده جك بر بولده نظماً تصوير در . بناء عليه هانگي قوم بيننده علوم و فنون شايع اقلش و هانگي مملكتده طبيعت ابزال بدايعده سماحت گوسترمش ايسه شاعرك كترتي و شعر ك لطافتني اقراده آرامي . چونكه شعر طبيعتك ، يا خود نفس ناطقه نك انفعالات و تاثيراتدن متولددر كه بوانفعال و تاثر هر حالده منهه محتاجدر . بر شاعر ايجون الك بيوك منهه ايسه علم و فن واسطه سيله اسرار قدرته و قوف و ممالك و اقاليم مختلفه ي سیر و سياحتله غرائب مخلوقات و مناظر بديعه ي تماشا ايلكدر .

عرب كبي شعري صنعت اتخاذ ايتمش بر قومك قبل الاسلام اولان اشعارى - اطوار افاده جه قصور سنز اولديني حالده - موضوع و تصوير اعتباريله ساده و محدود اولمقدن قورتلدى . اسلامك ظهوري عربى تمدنه مجبور ايدنجه بر طرفدن الجاى - مدنيله علوم و فنونه توغل ايدرك سرار خلقتي تدقيق و تماشا ايتديگي كبي، بر طرفدن ده مظهر فتوحات اولمقله كره نك هر طرفه ناييه لرق بدايع آثار قدرتي مشاهده ايلدى . ايسته عرب ظهور اسلام ايله بولنديني دائرة محدوده دن چيقدقدن صكره معلومات و شاهدا تيله شعري ده توسيع ايلشدر .

عربك قبل الاسلام اولان اشعاريني ظهور اسلامدن صكره كي اشعارندن معنى دهها موزون بولمق بدويى مدنيت تر جيع ايتك قيبلىنددر . بدويى مدنيت تر جيع ايدنلر وار ايسه كنديلرى ايجون باديهر آچيقدر .

شعر دینلجه نه دیمک ایستدیگنی تعیین ایتمینلر . یاخود شعر ی تعریفدن عاجز  
اقلانلر ایچنده ( عرب یولنی طوتهلم ، مسـلک قدمايه کیدهلم ) دینلرک قیل و قالی  
کوردیگندن آیرلق ایستیمه رنک سوق تعصبه سویانن سوزلره بکزیور . علی الغیا  
( اورویالیرک یولنی طوتهلم ) دیانلرده مقصودی لایقيله افاده ومدعالرینی استدلال  
ایده مدکلرندن دعوالری هوس تقلیده حمل اقلیور .

ابتدای مقاله ده تعریف صورتنده یازیلان برنجی جمله شعر ایچون دستور  
اقله رق قبول ایدیلورسه بزم شعرده عرب یولنی طوتهلم غزمی ، فرنکلری تقلید  
ایتمکله گزمی ، یوقسه مسـلک قدمايه کیتمکله گزمی ؟ حاصلی نه یا تمقلغز لازم گله جگی  
تعیین ایدر . جمله مجو ث غنایی دستور اقله رق قبول ایتمیانلرک شعر ی تعریف ایتملری  
اقتضا ایدر . دها سویلنه جک سوز چوق اما شمدی وقت یوق .

راوی

